

張忠烈公集

奇零草三目次

張忠烈公集卷六

七言律詩一

九日陪安昌王黃肅虜虎癡張定西侯服張太傅
鯢淵朱太常聞公徐給諫聞公及沈公子昆季
登瑣山和韻丁亥

留節瀟城同諸公行長至禮

元旦步張太傅韻戊子

和肅虜侯黃虎癡承制頌麻韻

送黃金吾馮侍御乞師日本

余自丙戌蹈海奉違家君定省已四載矣茲當待
罪軍旅每一念至為之黯然己丑

其二

勸農遇雨時余屯兵山寨庚寅

答古虞協令

春暮張鯤淵相國招賞玉樓春向晚更酌漫賦呈

政辛卯

其二

端陽喜雨呈張相國

弔威虜侯黃虎癡

弔沈五梅中丞

遊芥瓶菴贈希聞上人

登菩薩頂

追輓屠天生兵部

天生原配投繯殉夫臨終有詩

輓楊瑤仲廣文

輓華吉甫明經

輓楊玄石侍御

侍御室人從容就義

輓董若思明經

輓王完勳侍郎

輓馮躋仲侍御

輓張鯤淵相國

其二

輓大宗伯吳巒稚先生

其二

輓朱聞公少宰

其二

輓安洋將軍劉盾之

賦贈翁永平中翰燕爾之喜

遊隆教寺

遊小壘山菴

舟次清明拈得青字

壬辰

贈徐閣公年丈

其二

其三

壽安福伯鄧如磐

沈彤菴閣學艤舟南日山遭風失維不知所之雖
存亡未卜余猶望其來歸也

送萬靜齋復命行在

步答萬靜齋留別韻兼以勸駕

贈馬爾毓職方奉表行在後不果行

擬別義陽王

我師圍漳郡余過規之賦以志慨

四月八日過仙洞訪石田和尚

弔熊兩殷相公

弔義興侯鄭履公

贈金門蔡元戎

同陳文生坐雨步韻

馬爾毓有從軍之歎戲成二律貽之

其二

將朝王阻颺不果

端陽客鷺門

夏日過鼓浪嶼飲程嶼嘉將軍署中

月夜同陳文生過黃梓伯留酌

與蔡無能論興復

感遇

其二

其三

別陳齊莫

暑雨同諸子限韻仍禁江窗二字

其二

七夕微雨

立秋同諸子限韻得鹽咸二字

其二

新秋鼓浪嶼納涼分得簪字

飲吳山人

舟次中秋

夢內

師次湄島諸勲鎮行長至禮余以服制不與志感
其二

至夜傳王師出東粵志喜

步韻答徐閣公

舟次聽雨得長字

同姚興公萬美功過訪陳齊莫小酌
書懷

同諸子步月

飲酒

感懷

其二

除夕寓湄洲禪院

奇零草三目次

奇零草三

張忠烈公集卷六

皇朝賜諡忠烈明督理使勳機務察視浙直水陸兵馬兼理糧餉兵部尚書兼東閣大學士鄧維楨言撰

七言律詩一

九日陪安昌王黃肅虜虎癡張定西侯服張太傅
鮑淵朱太常聞予徐給諫閣公及沈公子昆季
登鎖山和韻下亥

鼇背霜寒菊自開
欣看萸佩宴吹臺
尚書履近東山駐
大將旗聯西府迴
香冷金華雙使至
秋明玉樹二難來
追陪誰復題糕字
媿向鑿坡問筆才

留節瀟城同諸公行長至禮

幾年卧節夢金鑿
綿蕞猶班舊握蘭
葭管初開周甲子

葱珩聊見漢衣冠
蒿呼恍覺爐香近
海曙還疑扇影寒
惟有臣心冰雪淨
誓將絲線續雙丸

元旦步張太傅韻 戊子

椒花幾度頌千春
惆悵瞻雲祇遠臣
海國尚留圖版舊
山家又見柳條新
三年啗雪雙蓬鬢
萬里乘風七尺身
賴有老臣持劍履
相看端笏對楓宸

和肅虜侯黃虎癡承制頌麻韻

駿馭遙巡斷楮鞭
孤臣頻歲紀星躔
曉籌冷落雞人唱
寒管驚回龍子眠
舊放梅花知漢臘
新添萸葉是堯年
義熙何用陶潛載
日月中天正朗懸

送黃金吾馮侍御乞師日本

中原何地作依墻，惆悵徵師日出方。
龍節卧持多芥客，魚書泣捧豹衣郎。
黃河北去浮青雀，滄海東回獻白狼。
位聽無衣萬里外，繡弧應復挂扶桑。

余自丙戌蹈海奉違家君，定省已四載矣。茲待罪軍旅，每一念至，為之黯然而已。五

獵火年年急羽書，飄零子舍竟何如。
不因閫外驚投袂，那見庭前歎絕裾。
燕語空梁泥自落，鷓啼細柳血應枯。
遙知今夜關山月，獨照龍鍾人倚闌。

其二

鐵衣何事換斑衣，朔雪炎風歸未歸。
莫慰兕觥娛畫錦，聊憑龍盾報春暉。
停雲轉悔辭家易，夾日還慚補國微。

記得青箱舊書
剛辨心字髮更相違

勸農遇雨時
余屯兵山寨
庚寅

濃雲似墨滯行旌
點染春郊最有情
話到桑麻風自古
災餘草木雨還生
土龍不用胡僧呪
竹馬偏喧稚子迎
烟火幾家寥落盡
空山布穀一聲聲

答古虞偽令
乃祖明官尚書

漢懺年來半壁標
何期賢令賦同袍
睢陽自昔猶矐目
彭澤於今暫折腰
好為家聲看魏笏
還將國恥問蘇袍
龍荒多少江南客
老皺胡顏說北朝

春暮張鏡淵相國招賞玉樓春向晚更酌漫賦呈

政
辛卯

曲江花事已闌珊，春富名園色可餐。香韻乍經羞後見，
風流恰向醉中看。不妨豔質偏叢綠，卻羨芳心自握丹。
小雨疎窗遙望斷，輕綃低護絳雲團。

其二

看花相對數花籌，綺谷偏宜清夜遊。欲比酒容來葉底，
頻疑燈影上枝頭。蕊殘蓮粉精神別，夢入梨雲顏色浮。
暮靄迷離渾一片，湘簾挂處隱朱樓。

端陽喜雨呈張相國

海國懸符為辟兵，驅來雷電又縱橫。中天雨露天中節，
半夜風雲夜半晴。繁露何須災異對，商霖原為相公生。
憂民幸慰祈年意，笑把菖蒲泛酒觥。

弔威虜侯黃虎癡

百年心事總休論
墮淚憑看石上痕
竹帛早應傳魏勝
河山終不負劉琨
當時杖屨知何在
此日衣冠賴孰存
一自將臺星隕後
胡塵天地尚黃昏

弔沈五梅中丞

香臺咫尺渺人琴
萬里寒潮送夕陰
報國千年藏碧血
毀家十載散黃金
名山難瘞孤臣骨
瀚海空磨戰士鐔
留得荒祠姓氏古
春歸惟有杜鵑吟

遊芥瓶庵贈希聞上人

斲入雲根便卧雲
禪棲真可鶴為羣
數竿漸覺龍孫長
一徑斜從鳥道分
山是骨餘原太古
僧無肉相即斯文

膽瓶印處應如許我亦來參得未聞

登菩薩頂

絕磴凌虛嵌佛龕捫天拄笏恣豪探蒼茫遠水橫空碧
歷亂羣峯倒蔚藍雙屐從從雲漢落一拳幾與石梁參
如來肉髻應非幻最上何須駕鶴驂

追輓屠天生兵部

雉壇曾記探陰符共挽天戈指羯胡我似魯連還抗節
君為翟義竟捐軀旄頭應避祁連冢匕首空藏督亢圖
歸去延陵須挂劍只愁零落是樵樵

天生原配投繯殉夫臨終有詩

碧海流乾滄海塵深閨誰是未亡人曾聞脫珥都忘緯

豈惜磨笄並化燐荀女當慚珠未碎明妃莫怨玉難春
臨危猶作離鴻調字字遺丹在編中

挽楊瑤仲廣文

澤國由來已墮天敢云補闕有青龜欲逃東海波難挽
縱餓西山蕨亦羶屋上幾時曾集鵬堂前從此不升鱣
相遭猶記言珍重豈意歸吟薤露篇

挽華吉甫明經

魚檄纔傳身已危英魂烈骨任披離華夷兩字書生辨
節義千秋史氏知逝去玉樓堪作賦投來鐵匣尚留詩
更聞鍛鍊神偏壯慷慨如歌易水辭

輓楊中石侍御

避莽爭誇漢兩龔
道臣浩氣正如虹
何期士雅鞭先着
轉覺賓王檄未工
華表應歸千載鶴
夜臺誰騁五花驄
獨憐江左風流盡
未奈依然滿故宮

侍御室人從容就義

何人重上望夫山
血影模糊不可攀
漆室有憂曾曳綯
崩城無計竟投繯
沈來婺彩光猶映
揮到湘筠淚自斑
多少鬚眉中惘態
却留彤管歎紅顏

甄董若思明經

昨夜貪狼照越軍
蚤嗟玉折與蘭焚
孤臣錯擬清河客
力士空求滄海君
函谷凡泥封未得
豐城劍氣杳難分
悲歌不獨為姻婭
雁影遙天奈失羣

輓王完勲侍郎

憶君被禍草間來慷慨論兵未易才
薄海誰堪師畫邑下江應許畫雲臺
星沈漢壘貪狼耀風動胡營戰馬哀
仗劍猶聞歌正氣心懸陵母亦哀哉

輓馮躋仲侍御

一夜烽烟薛墓原文星蚤共將星昏理
肝尚擬扶宗社灑血何辭濺廟門
同穴先悲梁上燕覆巢暗泣峽中猿
只今大樹還零落異域誰招馮母魂

躋仲妻孺子我母被沒入故云

輓張鯨淵相國

一身真可系危安垂死威儀尚漢官
魄返黃墟應化碧顏留青史即還丹
千秋共惜遺金鑑十載何慚戴鐵冠

也識公歸箕尾上定依日月倍芒寒

其二

紗籠姓字迥無瑕晚節何如五柳家欲報君恩餘白髮
祇留相業在黃麻樓空燕子從風墜門冷龍珠帶雨斜

先生諱 輓大宗伯吳巒樾先生

輒 輓大宗伯吳巒樾先生

冰稜玉尺倚容臺一片孤忠天地哀儼爾鬚眉留四皓
黯然菩字入三台引年難遂懸車去逐日徒悲化杖回
深負先生歸骨望吳江楓冷鶴還來

先生吳江人

其二

一掌河山亦踐蹂老臣霜雪正盈頭披髯猶抱滄桑恨

扼吭甘從孤竹遊自是澤宮堪薦俎
先生革命豈無夜
壑可藏舟趨朝當日稱先達惆悵生芻何處投

輓朱文公少宰

風流名節總相兼冰鑑高從北斗瞻
老去漢臣猶避莽歸來陶令未名潛
一官直與夔龍並七尺甘隨豺虎贖
試向星辰還聽履炎輪應為返西崦

其二

極目烽烟點鬢毛閒闕已識兩難逃
黍離社稷無薪膽草昧朝廷有節旄
自許孤忠遺海岸人悲啟事失山濤
臨風不盡招魂賦那忍重看舊佩刀

輓安洋將軍劉盾之

羽聲落日泣兵殘斗大孤城獨據難
虎體拚隨朝露盡龍精空向暮雲寒
數奇偏少封侯骨力竭惟餘報主肝
歲歲芳洲腥草綠飛燐猶繞舊登壇

賦贈翁永年中翰燕爾之喜

豔陽玉樹正堪攀一捻柔枝翠幙閒
賦就梅魂誰競爽賡來柳絮自幽閒
鸞回欲寫輕蛾樣燕婉偏諧小鳳班
最是流蘇春暖夜餘香疑傍御爐還

遊隆教寺

雲林次第望中收碧澗清泉曲曲流
山勢有情留古寺海潮無意到孤洲
素冠獨許黃冠伍芳草渾同衰草愁
自覺行藏猶廓落五湖烟雨釣魚舟

遊小巖山卷

春郊彌望盡蒼烟，選勝還探小有天。
筍發新篁鏡玉版，花迷野菊似金鈿。
客來漸與山麋狎，僧去惟留海鶴眠。
堪笑阮生幾兩屐，枕源總在亂峰前。

舟次清明拈得青字 壬辰

春光客路轉飄零，擬踏平蕪採小青。
自覺草生偏入夢，可憐花醉未曾醒。
松楸雲隔千峯斷，楊柳烟迷兩岫暝。
欲隱尚違慚介子，年年寒食卧江汀。

贈徐闇公年丈

王謝風流誰更傳，雄文廿載國門懸。
胡牀高據談經日，漢室初徵射策年。
每擬珊瑚為架筆，雅聞纓組並當筵。

豈知把臂蓬壺外江左衣冠傲昔賢

其二

竹箭東南橫得名飛來龍劍却爭鳴誰云四海同科第
自是中原一社盟懸榻君應稱快事乘槎我亦數勞生
他年若遂尊鱸興擬共山陰道上行

其三

吾道滄洲任所遭豈因標榜益名高重違尚握蘇卿節
久別誰彈鍾子操明月開樽皆勝侶春風入座似醞醪
偉長未便從軍老已羨文章晚更豪

壽安福伯鄧如磐

鵲石文垂早建牙歸來長嘯餌丹砂漫言赤社千秋恨

且種青門五色瓜
匣內芙蓉堪捧日
杯中薏苡當流霞
與朝若復論人物
自是雲臺第一家

沈彤菴閣學艤舟南日山遭風失羅不知所之雖
存亡未卜余猶望其來歸也

昨夜驚濤勢轉雄
孤帆何處御長風
沃焦不信膠舟解
博望初疑銀漢通
欲問馮夷愁莫應
倘成精衛恨何窮
袞歸當有支機石
豈遂騎鯨向碧空

送萬靜齋復命行在

聞君攬轡向蒼梧
三月椰花媚客途
星漢初回英蕩節
風流未減繡螭孤
嶺梅見使權相接
岼柳懷人強自扶
莫怨胡塵連瘴雨
王師傳說下荆湖

步答萬靜齋留別韻兼以勸駕

經旬客邸正相尋君去應嗟徑草深
帝子偏安猶半壁王孫盡報只千金
梁鴻自是難分手范蠡何堪有隱心
好向屬車勤獻策楚才莫作楚騷吟

贈馬爾毓職方奉表行在後不果行

頻年北極未迴鑿萬里朝宗行路難
孝直終當扶蜀鼎太真時亦奉劉丸
乘風共聽尚書履近日應墮御史冠
此去君家銅柱在長纓好請繫樓蘭

擬別義陽王

紫橐玄戎事幾秋傷心忠孝竟何酬
投閒肯寄通侯廡招隱宜登學士舟
滄海拚來唯兩袖赤霄攜去有雙鉤

月明倘有緱山鶴，準擬追陪伊雒遊。

我師圍漳郡，余過覘之賦，以志慨。

溟南見說築金臺，長揖諸侯壁上來。地險分明形似未，天驕竊據勢如嵬。愁登廣武論劉項，倦向梁園逐馬枚。却聽雄風歸楚望，聊當飲至一銜杯。

四月八日過仙洞訪石田和尚

炎鄉白晝苦難眠，也逐孤雲學問禪。行到精廬知浴佛，坐來古洞憶飛仙。遠公暫向名山住，管子初從遼海還。不是宰官能說法，疏泉品石總隨緣。

平熊雨殷相公

鳥飛夾日勢排空，鑿觸云何又伏戎。半壁雄才終抱石，

三台殺氣已成虹，高名未許容周顛。正色雖來忌孔融，猶憶錢塘留戰血。至今春草帶殘紅。

弔義興侯鄭履公

五陵豪客徹侯封，翼折天門第幾重。陳勝亡秦先發難，劉琨為晉竟罹凶。稽山甲盾從今散，橫海樓船不自容。一似鷓鴣乘浪去，我來何處弔遺踪。

贈金門蔡元戎

炎風吹客到窮途，慷慨逢君意氣孤。此日高牙追大樹，多年長劍枕陰符。金城不獨留天險，銅柱還應入地圖。最羨蔡遵饒雅度，時時緩帶一投壺。

同陳文生坐雨步韻

經春作客傍龍門春去猶憐蛟蝶魂花醉可曾澆白醪
草成還道勝予言江河滿地愁偏入湖海頻年病尚存
正為陸沈慚石隱那堪風雨更煩喧

馬爾毓有從軍之嘆戲成二律貽之

一劍南來說曳裾鉞聲早怨出無車粉曹回憶馮唐節
油幕閒誇阮瑤書應悔鶴翎先自翦翻憐雞肋轉成虛
烟霞清供難分寄恐爾蓬心尚未徐

其二

北山柰可又移文投筆雄情誰似君掉舌尚能高揖客
掀髯誰許簿參軍嘗秦白璧歸何處問楚黃金費幾斤
始信卧龍明出處草廬先已定三分

將朝王阻颺不果

擬向平臺一問津，驚濤無那拍江濱。
去留轉覺隨龍子，來往何能逐雁臣。
似放沅湘猶戀主，非闔河朔肯迎賓。
緣知歧路風波惡，決計尋山學隱淪。

端陽客鷺門

偶逢南海菖蒲節，轉憶西山薇蕨生。
風俗不殊鄉國異，年華一去夢魂驚。
何須繫縷為長命，安得懸符盡辟兵。
客况淒其聊對酒，莫辜好景是朱明。

夏日過鼓浪嶼飲程璵嘉將軍署中

入林偏愛晚涼生，灌木疏疏墜月明。
鶴夢到山原獨醒，蟬聲繞樹有餘清。
不堪歸興達人急，真覺炎趨較世輕。

相對素心聊一醉盤飧何用五侯鯖

月夜同陳文生過黃粹伯留酌

為妬秋容愛晚行明河如練月初更當關忽報雙筇過
入座先驚一榻橫此夜水壺堪濯魄誰家執扇獨關情
風流笑殺黃山谷厨傳居然玩步兵

與蔡無能論興復

塵纓濯罷便投綸忽道風雲起益津豈有龍文成五色
猶然鹿走在三秦赤符奉去應非謬黃石傳來自是真
安得此身生羽翰高擲橫擊待攀鱗

感遇

自憐錯節尚千盤信是人間行路難落拓何曾誇馬骨

淹留豈為戀豬肝交遊亂後知誰在
故老閒來傍若看
多少雄心空對酒能無清淚滴琅玕

其二

相傳霸越有神山國破空留匹馬還
赤董純鈞難復鑄
黃間勁弩似堪彎此時始識通侯責
何事翻令傲骨閒
總是是非千古定好將腐史手重刪

其三

片石誰能砥亂流冠裳無計且依劉
未須名附青雲顯
祇覺心同白日留避地幸存周甲子
論人漫著晉春秋
微軀慮向風塵老後死終慚清惠侯

別陳齊莫

偶乘越榜向南飛客夢驚回起拂衣瀛海屢經龍戰後
滄江漸見雁來稀杜陵入蜀悲難去杖屐遊梁笑未歸
今夜刀頭明月滿臨歧那得竟忘機

暑雨同諸子限韻仍禁江窓二字

火雲蒸雨勢難降斜倚繩牀聽石淙愁滿風塵侵鄂被
夢回烟樹繞吳艘蕭條莫怪壺堪碎繡澀應憐劍自雙
客路幸逢好友在且須乘興倒春缸

其二

幾年辛苦擁油幢留得完身鼎漫扛風雨似為驅熱至
衣冠終不受魔降沽來濁酒卮如斗賦就新詩筆似杠
最憶鑑湖晚霽後采蓮人盡唱吳腔

七夕微雨

碧漢生波蕩素秋良宵又向客中流銀鉤闌處虛穿巧
玉璽分來總織愁天上何常須駕鶴人間那得似牽牛
故鄉風物空回首誰買暎羅戲綵樓

立秋同諸子限韻得鹽咸二字

客擬巢居為避炎曉來秋氣忽窺簾山因寥寂容偏瘦
水到澄清意自廉荷蓋初低看墜粉莼絲乍憶下晶鹽
滄江物色撩人甚刷雨丹霄莫久淹

其二

肺病朝來謝酒盃迎秋偏愛試單衫樓中豈獨愁王粲
林下何曾醉阮咸清露微微沾薜荔涼風淡淡拂松杉

故鄉消息渾無據，滿望鴻來寄一函。

新秋鼓浪嶼納涼分得簪字

孤嶼蒼涼沁客心，偏宜散髮坐長林。山川戰後形容老，草木秋來情性深。影亂鞦韆知墜葉，聲飄絡緯似鳴琴。披襟已在芳洲上，塵俗何能解盞簪。

飲吳山人

柴門巷口碩人寬，盡日相尋河朔歡。說劍不妨頻脫轄，懸壺何必學投竿。主賢高擁烏皮几，客醉同彈紫箏冠。佳興邇來真半減，為君一笑譜幽蘭。

舟次中秋

淡蕩秋光客路長，蘭橈桂棹泛天香。月明圓嶠人千里。

風急輕帆雁一行
此夜銜杯慚庾亮
幾年持斧笑吳剛
觀濤豈必錢塘去
碧海銀潢自渺茫

夢內

到處青山足住家
無端歸夢繞天涯
中宵細語蘋蘩節
滿地離愁蘆荻花
約畧刀環窺月影
分明砧杵喚霜華
遽然一枕成何事
亂逐秋風向若耶

師

次湄島諸勳鎮行長至禮余以服制不與志感

棘人終歲解朝簪
憂國江湖一片心
太史徒然吹鳳律
諸侯空自噉鸞音
風塵飄泊隨南北
雲物淒涼變古今
慰藉新陽來六管
朝霜朔雪不須侵

其二

陽回曙鼓動樓船
遙憶千官上壽年
漢殿徽侯原裂土
周廬亞相盡朝天
香爐重傍疑難望
繡線初添喜復憐
猶恨身違冠帶會
心隨日影到虞淵

至夜傳王師出東粵志喜

土圭才見影初長
忽報天聲出五羊
始信子陰銷北陸
懸知赤伏耀南荒
金魚尚自唐分錫
銅馬翻為漢辟疆
此日孤臣淹滌海
衣冠拂拭待從王

步韻答徐闇公

窮途長日更難消
賸有圖書伴寂寥
霸業徒看秦望氣
客愁似瀉廣陵潮
共歌叢桂山中發
誰識焦桐爨下燒
潦倒未應猶倔強
丈人久已學承蜩

舟次聽雨分得長字

小雨江天倍渺茫，翻然有客度鳴榔。
坐來知己忘腸薄，話到英雄看劍長。
殘角分明悲渤海，孤蓬展轉憶瀟湘。
相憐身世真飄泊，豈為春風欲斷腸。

同姚興公萬美功過訪陳齊莫小酌

回首鄉關北海濱，南來猶見故鄉人。
君因久客翻為主，我亦同仇況比鄰。
八載滄桑愁欲老，一尊清酒話相親。
共悲吳楚烽烟急，太史占星正聚閩。

書懷

一劍橫磨近十霜，端然搔首看天狼。
勳名幾誤乘槎客，意氣全輕執戟郎。
圯上書傳失絳灌，隆中策定起高光。

張忠烈公集卷六
十一
山河縱破人猶在試把興亡細較量

同諸子步月

醉餘散步興遄飛挈伴孰看素月輝
濠濮自然成獨往關山幾處照人歸
橫襟坐嘯風微至曳履行吟星漸稀
清影自憐同鶴瘦可能肥
遂遂初衣

飲酒

世事驚心強自娛蕭條旅館日提壺
嘗言諸葛真名士猶作高陽一酒徒
座上何須分雅俗杯中原不入榮枯
且將杖策春陵去王粲登樓賦有無

感懷

滄江一卧已心灰避地何人賦七哀
欲遣新愁悟後去

翻招往恨醉中來六橋歸夢催衰柳五月寒巖聽落梅
擬欲冥鴻羞左強意回看半髮又徘徊

其二

浮名世上長蓬心我自商歌獨抱琴流水非因鍾子調
陽春只合郢人吟乾坤大抵分王霸治亂由來半古今
轉悔十年塵事拙不如經濟在山林

除夕寓涓洲禪院

浪跡天涯又歲寒強將枯影對辛盤鄉心暗逐鯨波瀉
世事明隨漁火看柏葉尊前催律呂蓮花漏上換支干
江山百戰渾非舊留得磻溪把釣竿

奇零草三

奇零草四目次

張忠烈公集卷七

七言律詩二

元日步友人韻癸巳

人日立春客湄島

其二

郭聖竑過訪出詩見示依韻酬之

入吳見雪忽憶車駕南巡

追往

其二

其三

其四

其五

其六

其七

其八

春到

憶余在湄島與張鯤淵吳巒推朱聞公諸前輩從
游一時情文宛然在目今三君皆以國難殉而
余在行間猶偷視息感感靡騁蓋不勝廢興存
亡之感矣

舟次琅琦謁錢希聲相公殯宮

其二

重經南日弔沈彤菴相國

北還入浙偶成

送姚興公北還

其二

壽忠靖侯陳燦珠兼統師北伐

送徐閣公監軍北征

其二

送謝仲彝元戎

壽閩安侯周九苞

登湄洲謁天妃宮

入吳

贈盧牧舟大司馬

寄紀石青年丈

除夕

壽英義伯阮季友

甲午

樓船燈火

立春日大雨雪時駐師吳淞

贈傅惕菴

其二

和定西侯張侯服留題金山原韻

附原作

其二

其三

其四

其五

其六

和于湛之海上原韻

其二

其三

其四

其五

其六

哀閩

壽誠意伯劉復陽

張忠烈公集卷五
三
朝議以諸勲鎮積苦行間宣勅慰勞余益不勝殊
逝之感焉

清明感懷

師次圖山

同定西侯登金山以上游師未至遂左次崇明

其二

再入長江

即事東定西侯

其二

師次燕子磯

崇沙宋子猶端士也為閩帥所窘既出阮詩以慰

之

馬爾毓職方署幕府騎兵參軍不免牢落戲贈

暑雨舟中遣悶分得柴字

步韻贈朱子成

病中遣懷

步韻答沈東生

送程嶼嘉將軍還閩南

閒居

自嘲

奇零草四目次

奇零草四

張忠烈公集卷七

皇朝賜諡忠烈明贊理恢勦機務察視浙直水陸兵馬兼理糧餉兵部尚書兼東閣大學士鄧瑛煌言撰

七言律詩二

元日步友人韻 癸巳

靈槎容易度流年
海角春雲思黯然
地近虹津堪浴日
潮生蜃市欲黏天
東來已識陽當震
北望誰云歲在燕
先甲後庚應有象
抽毫預擬中興篇

人日立春客湄島

勞生了不解宜春
梅笑重驚物候新
俗入秦餘疑近古
時從夏正識生寅
土風薄似村醪惡
海錯鮮兼寒具陳
野草年年依舊發
王孫何許一沾巾

其二

海外行藏不計春，起看天地亦維新。
鼓鞞往歲聞呼癸，斗柄今年說指寅。
讀禮每思箋大戴，投書尚擬續君陳。
東風似為羈人至，暖氣偏吹白氎巾。

郭聖竝過訪出詩見示依韻酬之

誰云仲蔚長蒿萊，白板雙扉隨意開。
掃石我饒籠翠輿，磨嵐君擅草芊才。
杖頭時挂千峯月，匣裏爭鳴萬壑雷。
自是主人能慰客，頓忘鴻雁已南回。

入吳見雪忽憶車駕南巡

往歲南中不見雪，今年吳地雪偏濃。
繁華轉逐冰心冷，瑞氣還疑鎖甲同。
湖海看來原復旦，江山戰後漸成翁。

穆王此際猶巡狩黃竹歌詞總漫工

追往

棄繻猶及到燕關慘淡風塵十載還狼鬣自從當日舞
龍髯能得幾人攀漢陵弓劍存亡後晉室衣冠興廢間
轉眼書生成故老慚無媧石補江山

其二

六朝遺蹟雨花臺舊識先皇草昧開南渡尚留龍種在
東遷祇避犬戎來却悲羯鼓荒原動不見羊車複道迴
國破何人猶抱膝當年應有管蕭才

其三

長驅胡騎幾曾經草木江南半帶腥肝腦總應塗舊闕

鬚眉誰復歎新亭
椎飛博浪沙先起
弩注錢塘潮亦停
回首河山空血戰
只留風雨響青萍

其四

王業分明記昔年
乾坤日月尚雙懸
虹蜺初亘牽牛際
雨露遙承附鳳偏
握節可能干斗象
持籤時亦傍爐烟
由來國脈難調久
自省原慚祖逖鞭

其五

浮生踪跡嘆勞薪
倒挽天河又幾春
細柳屯中稱漢使
扶桑洲上避秦人
曾嘗虎口身仍在
為歷羊腸性已馴
窺鏡每憐形影瘦
誰從百折飽風塵

其六

幾投珥筆幾瑠戈屈指滄桑意若何金狄豈愁王氣盡
銅焦誰說死聲多五千甲冑收餘燼百二山河挽逝波
天夢到今疑未醒沈吟轉憶采薇歌

其七

曾挂星槎滄海東冠裳涕淚捧重瞳禹餘風物成離黍
越絕功名類轉蓬早歲頻書惟羽檄經年徒讀是檀弓
無家况復鷓啼急腸斷江花爛漫紅

其八

危峰斜日照疎墩往事蒼涼那可論司馬名因方外貴
卧龍才合世間尊一時市道看梁苑千古交情問翟門
高據繩牀還睨幾回海沸與山奔

春到

春到何關鄉國情無言芳草自分明一經作客流離久
幾度逢人娥媚生雄劍攜來空顧影祥琴彈罷不成聲
閒身總絕浮雲意特為鬚眉未放行

憶余在涓島與張鯨淵吳巒樾未聞予諸前輩從
遊一時情文宛然在目今三君皆以國難殉而
余在行間猶偷視息然感感靡騁蓋不勝廢興
存亡之感矣

年來灑淚看桑田陶謝風流已盡捐伊昔幾人陪後乘
我今何處競先鞭未消肝膽堪誰託無恙鬚眉祇自憐
轉覺諸公真羽化夜臺杖履亦珊珊

舟次琅琦謁錢希聲相公殞宮

琅江東去水如油拜墓停橈古渡頭赤手曾扶板蕩運
黃腸猶帶黍離愁波濤腥壑蛟龍蛻風雨荒塋麋鹿遊
懸擬轡車歸兆日同天應已靖旃裘

其二

句餘霸氣已成灰轉憶當年漢幟開王謝聲名原伯仲
溫劉事業總追陪自從化劍分豐獄誰復調琴到夜臺
戎馬南方猶未息故人空負灸雞來

重經南日甲沈彤菴相國

木落天空霜氣森重來海岫悵人琴從黍狐偃空投壁
去越鳩夷枉筮金渭曲璜隨雙鯉逝延津劍化一龍吟

只今桑下誰相語，獨倚孤蓬淚不禁。

北還入浙偶成

南浮北泛幾經春，死別生還總此身。
湖海尚容奔兩客，山川應識報韓人。
國從去後占興廢，家近歸時問假真。
一寸丹心三尺劍，更無餘物答君親。

送姚興公北還

客中送客復何言，門外攬歌酒一尊。
芒屨故應尋帝子，藜牀豈必戀公孫。
只愁白社高風散，況看滄江落日昏。
吳越交遊如見問，雞聲竟夜舞劉琨。

其二

三山幾度費逢迎，今日重辭萬里行。
短髮雖凋猶晉士。

長裾不曳似侯生
蒼茫挂席供圖畫
蕭灑空囊贖墨兵
此去莫愁無遇合
姚崇原有採詩名

壽忠靖侯陳燦珠兼統師北伐

曲逆勳名蓋代才
却從祖悵獻霞杯
威弧自昔懸仙嶠
寶劍新經挂將臺
挑實偏隨榴火豔
星精正向陣雲開
歸來燕喜歌鏡日
席上還應張仲陪

送徐閣公監軍北征

魚檝朝來幕府傳
夕攜龍節上樓船
元卿未許先開徑
士雅還期共著鞭
始識山中留宰相
非關海外覓神仙
仁看露布橫飛處
不是涼州倚柱年

其二

幾年獨立金華省此日重登青翰舟準擬真人開北極
豈容高士卧南州錦帆直指天聲壯羽扇輕揮王氣浮
匏繫如余甘磊落秋風倘許脫鷹鞵

送謝仲彝元戎

疊鼓鳴笳出欵飛將軍此日挂征衣千屯夜失橈槍耀
萬壑朝揚組練威共喜龍驤臨溟渤已知鶴淚動淮泥
捷書好向潛夫寄擬趁輕帆便北歸

壽閩安侯周九苞

倚天秋鏑老芙蓉鼎內神丹碧色同露浥滄洲鏡爽氣
烟飛赤壁想雄風大椿不獨傳蒙叟細柳還應拜上公
此日轅門羣獻壽鏡歌取次奏平戎

登涓洲謁天妃宮

蒼茫一曲帶烟霞聞仙飛仙此駐家石髓沁香流乳酪
雲根涵霧想鉛華樓前縹緲凌波襪檻外參差貫月槎
湘女雉妃多往蹟曾無精爽徧天涯

入吳

萬里寒江一棹過連天野燒柰愁何風雲矯首憐毛羽
霜雪攢眉羨薜蘿閩嶠駁歸骨自好滇池龍起瘴猶多
年來出處渾無據見說蒼生倍臧軻

贈盧牧舟大司馬

自昔公為兵使者於時我作上書人鑑湖一曲皆棠樹
碧海重逢並葛巾劍氣終當開日月履聲早已傍星辰

并州正有來蘇望，忍說桃源可避秦。

寄紀石青年丈

歸帆一挂鷺江濤，紫氣南迴望轉高。
闕塞羽書偏間隔，乾坤蓬鬢正蕭騷。
山中到處巢多鶴，海外何人釣巨鼇。
極目寒雲空在抱，不知鴻雁為誰勞。

除夕

八載他鄉蜡鼓催，鄉心撩亂鼓聲哀。
無情天地猶環甲，有意山川獨畫灰。
兒女藏鈞離別後，君臣投璧播遷來。
年華如許人將老，孤負春風又幾回。

壽英義伯阮季友

甲午

蟠桃鳴上小陽春，飲至筵開介壽頻。
共識天台前度阮

還知靈嶽又生申
主恩予髮承三錫
將略丹心動八閩
笑我尚為籠鶴客
相期何日捧龍鱗

樓船燈火

澄江春色夜還明
雲漢微茫星斗橫
銀蒜萬條垂甲帳
火珠千樹挂霓旂
燭龍勅水張髻出
彩鷁凝烟銜尾行
何處香塵空雜
還却教燈市滿蓬瀛

立春日大雨雪時駐師吳淞

春信驚催夕臘殘
江梅猶帶六花端
屠蘇飲出冰餘冷
組練光浮木末寒
吹垢豈期風入夢
洗兵自合雨成漣
征人感荷東皇意
且逐年華奮羽翰

贈傅惕菴

多君姓氏動芳郵一揖高踪豈暗投
經濟東山殊未起文章北海迥無傳
風塵握手沾衣袂霄漢論心晚壁鈞
更向尊前問鄉土幾時扶醉六橋遊

其二

孤劍蒼茫十載餘扁舟東過重躊躇
黃金客散韓何在白壁人歸趙自如
大澤魚龍聊混跡中原豺虎正端居
莫嫌介子動名晚麟閣而今席尚虛

和定西侯張侯服留題金山原韻附原作

漢壇左鉞授宗臣飛翰傳來消息真
壁壘象橫開北極餘艖流斷接南閩
雙懸日月旄幢耀百戰河山帶礪新
從此天聲揚絕漠還應吳會是臨津

其二

朝宗百谷識君臣江漢依然拱赤真烽靖三湘先得蜀
瘴消五嶺復通閩水犀飛渡扶桑遠燧象橫驅貴竹新
指顧樓蘭堪立馬肯令胡騎飲江津

其三

鍾阜銅駝泣舊臣孝陵弓劍自藏真猶聞雄雉能興漢
豈似乾魚僅祭闈天入金焦鎖鑰舊地過豐鎬鼓鐘新
何人獨受嵩狂詔賜履由來首渭津

其四

自古匈奴屬外臣降王毳殿敢稱真千屯烽燧聯吳楚
萬舳波濤下浙閩北固雲移龍節近西陵潮湧虎符新

焚庭絕漢尋常事銅柱先標若木津

其五

白草黃沙笑雁臣衣裳鱗介已非真豈知捧翟猶賓粵
未必分茅可擅閩南國羽書氛欲淨西京露布墨應新
上游誰擁龍驤節日轂親扶出漢津

其六

飛雄十載誤逋臣喋血憑誰破女真霸說鷓夷原去越
兵聯牛女正當閩投鞭不覺江流隘傳檄兼聞鏡吹新
正為君恩留一剑莫教龍氣渡延津

和于湛之海上原韻

黃埃胡騎獵桑乾長狄笳聲九塞寒金雁俄從別殿城

銅駝幾向故宮看，星槎飄泊留旄節。
雲樹依稀拂羽翰，不是孤臣甘浪跡。
肯將獨繭著漁竿。

其二

貪狼夜指絮雲高，鵬鴉痕腥淬寶刀。
鼉極人傳曾補石，龍荒天限莫投繆。
翠華迢遞千星漢，青翰浮沈捲雪濤。
澤國自來冠帶好，鬚眉誰不共仙軀。

其三

海門潮咽越王城，伯業蕭條風雨驚。
獨少囊金堪結客，猶留袖鐵足鏖兵。
馴來龍性崢嶸在，狎罷鷗心汗漫行。
若論兩河豪傑客，登壇豈必讓齊盟。

其四

風流江左半凋殘，孤鶴橫空轉自嘆。
瀚海不妨逃漢尉，神山未必誤秦官。
珣戈北向慚推轂，銅柱東遊憶據鞍。
留得完身真百折，河清人壽古來難。

其五

芥舟天地竟焉如，賦就三閭未卜居。
淚比較人長泣蚌，官輕狗監擬焚魚。
鱗弧空指燕然石，雕管將成越絕書。
忽聽咳吟清夜發，旅魂長繞墓門廬。

其六

長纓編帶重論交，把視吳鉤未忍拋。
慘淡中原誰牧馬，蒼茫絕壑尚潛蛟。
才名似爾依劉表，詩律何人壓孟郊。
青眼尊前倍感慨，春風旅燕且南巢。

哀閩

聞說西陲還帶甲，愁看南紀尚橫戈。
朱門久已辭翁仲，黃屋胡然擅尉陀。
空際蜂衙誰北里，隙中蟻陣總南柯。
試將班管論王命，漢鼎於今火德多。

壽誠意伯劉復陽

燕喜初成介壽詩，捧觴細論國恩時。
侯封雨露留年表，祖武風雲蔚帝師。
舊佩金魚分陝出，新橫鐵馬謁陵遲。
元臣自古多難老，帶礪行看疊紫泥。

朝議以諸勳鎮積苦行間，宣勅慰勞，余益不勝踈
逃之感焉。

中朝新復下追鋒，為問神州息戰烽。
漢將自驕黃石法

明人倘畏紫泥封但留大義垂千古敢望虛名到九重
稍待鑿迴掃境復五湖烟雨儘從容

清明感懷

江天小雨恰清明杜宇聲中故國情傳蠟祇成前代事
藏烟何意異時名蓬蒿三徑荒應廢松柏千年黯自驚
貍首至今傷暴露一杯空擬酌佳城

師次圖山

長江如練繞南垂古樹平沙天塹奇六代山川愁鎖鑰
十年父老見旌旗陣寒虎落黃雲淨帆映虹梁赤日移
夾岫壺漿相笑語將毋僕後怨王師

同定西侯登金山以上游師未至遂左次崇明

割雲半壁倚中流，天劈東南形勝收。
鐵甕湖函飛鷲嶺，牙樁影撼浴龍洲。
畫江何代空鼉鼓，橫海今來駐虎旂。
咫尺鍾陵王氣在，可能瞻掃問松楸。

其二

相聞赤伏啟重離，一詔敷天並誓師。
萬里鯨波趨錦纜，兩山鼉柱擁金羈。
已呼蒼兕臨流早，未審駑弓驛下遲。
瓜步月明刁斗寂，行人猶指漢威儀。

再入長江

江聲萬古似聞鼙，天險依然渡水犀。
涿鹿亦曾經再戰，盧龍集要復待三犁。
琯弓挽處驅弓武，鎖甲還來失白題。
兵氣至今猶未洗，自慚無計慰雲霓。

即事東定西侯

誰提斧鉞向燕雲
姓氏江南草木聞
已指黃龍麾戰士
何勞青雀擁迴軍
兩河父老猶揮涕
六詔乾坤正策勳
縱有魚符嵩亦得
只今豈少信陵君

其二

十載冰霜誓枕戈
豈應歧路轉風波
和戎魏絳終當謬
結客燕丹恐亦訛
剖竹已非秦郡縣
分茅可是漢山河
孤臣獨有干將在
紫氣青雲自不磨

師次燕子磯

橫江樓櫓自雄飛
霜仗雲麾盡國威
夾岫火輪排疊障
中流鐵鎖鬪重圍
戰餘落日鮫人窟
春到長風燕子磯

指點興亡倍感慨當年此地是王畿

崇沙宋子猶端士也為閩帥所窘既出阮詩以慰之

兵聲誰遣向江濱狼籍漁樵及隱淪可是風塵迷物色
到來天地失陽春鑿壞亂後無全計飄瓦傷餘亦愴神
轉覺桃源非世外漁郎猶自憶秦人

馬爾毓職方改署幕府騎兵參軍未免牢落戲贈
國破蘭香已半消侯門誰復贈度刀可憐宦拙同牛皂
正覺官間似馬曹獲落籬金應易散陸沈囊粟恐難叨
相攜賴有紅顏在杖屨遊梁興尚豪

暑雨舟中遣問分得柴字

扁舟蒸暑悶難排，况復霏霖氣欲埋。
豈意薰風能解愠，乍來好雨足開懷。
炎雲向晚多於岫，病骨兼愁漸似柴。
忽憶采蓮湖上去，荷香十里趁芒鞋。

步韻贈朱子成

如烟芳草色還飛，有客乘槎欲賦歸。
拂袖曾經龍木，鳴橈倘為弄潮非。
蒼茫越劍龍文暗，慘淡燕臺駿價稀。
若到會稽應大笑，朱君那得老鳧磯。

病中遣懷

潘鬢蕭疎已自驚，何當二豎復縱橫。
漸安藥竈同舟鼎，早廢詩瓢共酒鎗。
俠骨風中添翫，髀雄心雲外失崢嶸。
明朝把鏡還相看，華髮星星又幾莖。

步韻答沈東生

木落江皋閣闔風翩然尺鯉下婁東已知種菊惟陶令
誰復圍棋似謝公三泖霜深丹葉老雙鋒星散紫霓同
書郵却問逃虛客詩律何如在剡中

送程嶼嘉將軍還閩南

聞說君廬傍若耶却從閩嶠問歸槎十年許國懸旄節
千里徵師點鬢華越新霜憐客冷留吳舊雨悵人遐
興朝會有掄侯賞莫羨青門五色瓜

閒居

揮手歸鴻望已乖風塵依舊兩芒鞋人居閒處非佳境
事到難時且放懷無恨興亡看越絕何妨奇怪說齊諧

孤踪轉覺支離甚一任蒼苔自上階

自嘲

年華一擲三十餘對鏡鬢眉復何如
鄧禹珠有封侯骨
虞卿空留解相書不貪雞肋猶爾爾
徒羨驥尾亦區區
若待功名始歸去溪山主人笑我愚

附甲午孟春予以接濟秦藩師泊金山遙拜孝陵
有感同誠意伯題

張名振

十年橫海一孤臣佳氣鍾山望裏真
竊首義旗方出
楚燕雲羽檄已通閩王師枹鼓心肝
噎父老壺漿涕
淚親南望孝陵兵編素會看天轟馮
龍津

奇零草四